



CONVENIO DE COLABORACIÓN ENTRE A CONCELLERÍA DE DEPORTES E O A ASOCIACIÓN CIUDADANA DE LOITA CONTRA A DROGA (ALBORADA) POLA UTILIZACIÓN DA INSTALACIÓN MUNICIPAL DA PISCINA E O XIMNASIO DE TEIS PARA O DESENVOLVEMENTO DUN PROGRAMA DE A.F. VINCULADO ÁS NECESIDADES ESPECIAIS DO COLECTIVO.

En Vigo, a día 14 de febreiro de 2017

REUNIDOS:

Dunha parte D. Abel Caballero Álvarez, Alcalde do Concello de Vigo

Doutra parte: D. Jesús Cancelo Martínez, como Director da Asociación cidadana de lucha contra la droga ALBORADA con CIF: G-36624963.

Ambas partes recoñecen a súa competencia e capacidade, respectiva para formalizar o presente convenio de colaboración en materia deportiva.

MANIFESTAN QUE

O Concello de Vigo, a través da Concellería de deportes, ten entre os seus obxectivos, colaborar coa dinamización das actividades vinculadas á actividade física e deportiva en calquera das súas manifestacións ou vertentes, entre as que se atopan as do ámbito educativo e formativo, e o desenvolvemento de programas vinculados a colectivos cunhas necesidades especiais.

A Asociación Alborada Vigo é unha entidade declarada con capacidade jurídica e plena capacidade de obrar según os estatutos presentados pola entidade.

A Asociación Alborada ten entre os seus fins, a defensa dos individuos e da colectividade contra a utilización ilícita de todo tipo de drogas, a toma de conciencia colectiva sobre os danos producidos pola utilización das drogas, singularmente na poboación xuvenil, a creación de módulos de defensa social contra a droga, a colaboración con cantos organismos e entidades, públicas ou privadas, teñan relación coa problemática da droga.



A Asociación Alborada, desenvolve a súa labor educativo-formativa nas súas instalacións, ubicadas na rúa Isaac Peral, Nº 6. Este centro non dispón do espazo suficiente, necesario e axeitado para o desenvolvemento dos programas vinculados á Actividade Física necesaria para o colectivo.

As actuacións de colaboración entre administracións no eido do deporte e a actividade física vinculada ó desenvolvemento de programas orientados a colectivos con determinadas necesidades especiais pode contribuir a consolidar hábitos de vida saudable, a incrementar os niveis de autonomía destas persoas, a mellorar a condición física destes colectivos da cidade e a mellorar as condicións nas que se desenvolven as actividades docentes e no ámbito deportivo.

Polo cal procédese asinar un convenio de colaboración que rexirásese polas seguintes cláusulas,

CLÁUSULAS

1. Este convenio establécese como marco de entendemento e colaboración mutua que permita desenvolver o programa de Actividade física da Asociación Alborada nas instalacións Municipais da Piscina e sala de Teis.
2. A Asociación Alborada, en base ó artigo 6, letra c), da ordenanza Nº 52, Reguladora de prezos públicos pola utilización das instalacións deportivas municipais pertencentes a Concellería de Deportes, estará exento de abonar o prezo público correspondente a utilización da instalación obxecto do presente convenio, cun importe semanal de 33.05 € (dous días ximnasio a 4.60 € e 3 días 1 rúa de piscina a 7.95 €) durante unha estimación de 35.53 semanas de reserva de actividades, ascende a un importe estimado de 1.174,26 €.
3. A Asociación Alborada, comprométese a desenvolver o programa de A.F. nas condicións establecidas no presente convenio, na instalación deportiva municipal da Piscina e ximnasio de Teis, nos horarios e datas establecidos no texto do convenio.
4. A Asociación Alborada presentará, á sinatura do convenio o programa a desenvolver en cada franxa horaria.
5. A Asociación Alborada é o responsable do desenvolvemento das actividades na instalación Municipal, debendo estar presente na instalación en todo momento o responsable das mesmas.



6. A Asociación Alborada comunicará a Concellería de Deportes con antelación suficiente calquera cancelación ou alteración nos horarios das actividades.
7. A Concellería de Deportes non terá ningunha responsabilidade con calquera incidente que poidera resultar derivado do desenvolvemento do programa de actividade.
8. A Asociación Alborada presentará, previa á sinatura do convenio, unha póliza de responsabilidade que garantice as coberturas suficientes ós participantes na actividade, e ós posibles danos que a actividade poidera causar no patrimonio Municipal.
9. As persoas que participen na actividade na instalación, será exclusivamente os vinculados ó programa de A.F. do centro, non estando permitido ningún outro uso que non sexa o desenvolvemento do programa de A.F obxecto do presente convenio.
10. Os e as participantes no programa accederán á instalación precedidos polo responsable do mesmo, non estando permitido o acceso dos participantes en caso contrario. Da mesma forma, o responsable será a última persoa do programa queda na instalación.
11. A Concellería de Deportes de Vigo, aportará o espazo para o desenvolvemento das clases, non estando autorizada a utilización das duchas.
12. A Concellería de Deportes resérvase a posibilidade de dispoñer da instalación por cuestións de programación. Neste caso se avisará á entidade, debendo ésta cancelar a actividade na instalación Municipal.
13. A vixencia deste convenio é para as citadas actividades dende a data de sinatura do presente convenio ata o 31 de Xullo de 2017.

Horario: 12:30 a 13:30	Luns Piscina	Martes Ximnasio	Mércores Piscina	Xoves Ximnasio	Venres Piscina
------------------------------	-----------------	--------------------	---------------------	-------------------	-------------------

14. O Convenio deberá renovarse ano a ano, previa solicitude da Asociación Alborada nas datas establecidas e presentando a documentación solicitada.



15. No caso de incumprimento das obrigas e os compromisos asumidos neste convenio, por cada unha das partes, poderanse aplicar medidas de suspensión ou anulación da vixencia do convenio.

Como proba da conformidade asinan en Vigo o presente convenio por triplicado.



O Alcalde de Vigo

D. Abel Caballero Álvarez

O Director da Asociación Alborada

D. Jesús Cancelo Martínez